


BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-954-1/12
Sarajevo, 15. 6. 2012. godine



PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine je na 10. sjednici održanoj 12. 6. 2012. godine utvrdilo Odgovor na zastupničko pitanje koje je postavila Nermina Čemalović, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja zastupnici.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-954-1/12
Sarajevo, 15. 6. 2012. godine

NERMINA ĆEMALOVIĆ, poslanik u Predstavničkom domu Parlamentarne skupštine Bosne i Hercegovine, na 24.sjednici ovog Doma održanoj **15. marta 2012.godine**, postavila je Vijeću ministara Bosne i Hercegovine odnosno Ministarstvu sigurnosti BiH poslaničko pitanje koje glasi:

„Da li je Odlukom koju je donijelo Vijeće ministara BiH na 94.sjednici održanoj 16.07.2009.godine, kojom je pitanje upravljanja i održavanja graničnih prijelaza povjereno Upravi za indirektno oporezivanje BiH, precizirano da se održavanje, izgradnja i upravljanje odnosi na svih 89 graničnih prijelaza ili na granične prijelaze (njih 56) gdje su prisutni djelatnici Uprave za indirektno oporezivanje? Na ostala 33 granična prijelaza se nalaze samo službenici Granične policije i ko je u ovom smislu zadužen za njih.“

Na postavljena pitanja, Vijeće ministara Bosne i Hercegovine je na 10. sjednici održanoj 12.6.2012. godine, utvrdilo sljedeći
(datum sjednice) (broj)

ODGOVOR

Uprave za indirektno oporezivanje BiH uputila je odgovor sljedećeg sadržaja koji u cijelosti prenosimo.

Vijeće ministara BiH je svojim aktom broj: 05-07-2288-23/09 od 17.07.2009.godine obavijestilo Upravu za indirektno oporezivanje BiH, da je Vijeće ministara Bosne i Hercegovine, na 94.sjednici održanoj 16.07.2009.godine razmotrilo i usvojilo Informaciju o upravljanju graničnim prijelazima u Bosni i Hercegovini.

S tim u vezi, Vijeće ministara BiH je podržalo treću predloženu varijantu da se pitanje upravljanja i održavanja graničnih prijelaza povjeri Upravi za indirektno oporezivanje BiH, na način da se u samoj Upravi sistematiziraju nova radna mjesta kako bi se poslovi na održavanju prijelaza obavljali kvalitetno i efikasno.

Navedenom Odlukom nije precizirano na koje granične prijelaze se odnosi održavanje, izgradnja i upravljanje da li na svih 89 ili samo na međunarodne granične prijelaze za robni i putnički promet, njih 56 na kojima su prisutni zaposlenici Uprave za indirektno oporezivanje.

Na 33 granična prijelaza za pogranični promet nalaze se zaposlenici Granične policije BiH i o ovim graničnim prijelazima trenutno se brine granična policija.

Granična policija BiH je uputila sljedeći odgovor.

Na 100.sjednici Vijeća ministara BiH koja je održana dana 30.09.2009.godine, članovi Vijeća ministara BiH upoznali su se sa zaključcima 42. Sjednice Zajedničke komisije za odbranu i sigurnost BiH vezano za problematiku upravljanja i održavanja graničnih prijelaza u BiH. S tim u vezi, imajući u vidu ranije doneseni Zaključak Vijeća ministara BiH (sa 94.sjednice) kojim je upravljanje i održavanje graničnih prijelaza povjereno Upravi za indirektno oporezivanje BiH, Uprava je zadužena da za Vijeće ministara BiH pripremi odgovarajuće akte radi realizacije Zaključka (izmjene Pravilnika o unutrašnjoj organizaciji i eventualne izmjene Zakona o upravi za indirektno oporezivanje). Na osnovu dosadašnjih saznanja ova aktivnost od strane Uprave za indirektno oporezivanje još nije realizirana.

Također, treba napomenuti da je prisustvo službenika Granične policije BiH i Uprave za indirektno oporezivanje BiH neophodno na svim graničnim prijelazima u Bosni i Hercegovini.